

ქ. თბილისის ისნის რაიონის გამგეობა



საპროექტო-სახარჯთაღრიცხვო სამუშაოების
შესყიდვის მიზნით
(CPV – 71320000)

საკონკურსო დოკუმენტაცია

წინამდებარე საკონკურსო განცხადება შედგენილია „სახელმწიფო შესყიდვების შესახებ“ საქართველოს კანონისა და „კონკურსის მეშვეობით საპროექტო მომსახურების სახელმწიფო შესყიდვის პირობებისა და წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 10 თებერვლის №3 ბრძანების საფუძველზე.

ქ. თბილისი

განცხადება კონკურსის ჩატარების შესახებ

1. ქ. თბილისის ისნის რაიონის გამგეობა აცხადებს კონკურსს არქიტექტურულ და საპროექტო-სახარჯთაღრიცხვო დოკუმენტაციის შესყიდვის მიზნით და იწვევს კონკურსში მონაწილეობის მისაღებად ყველა დაინტერესებულ პირს.
2. კონკურსის მიზანს წარმოადგენს ქ. თბილისში ისნის რაიონის ტერიტორიაზე (ვაზისუბანი III მ/რ, II კვ. მე-16 და მე-17 კორპუსებს შორის) საზოგადოებრივი სკვერის მოწყობისათვის, საუკეთესო არქიტექტურული კონცეფციის მქონე კონკურსანტის გამოვლენა და შემდგომში გამარჯვებული კონკურსანტის მიერ სკვერის სრული საპროექტო-სახარჯთაღრიცხვო დოკუმენტაციის შედგენა.
3. კონკურსის მსვლელობისას კონკურსანტმა უნდა წარმოადგინოს ერთი საპროექტო ობიექტის (ქ. თბილისი, ვაზისუბანი III მ/რ, II კვ. მე-16 და მე-17 კორპუსებს შორის) კონცეპტუალური პროექტი, რომელიც იქნება როგორც ვიზუალური ისე ფუნქციონალური თვალსაზრით დამაკმაყოფილებელი, თანამედროვე და შემსყიდველის აუცილებელ მოთხოვნებთან შესაბამისი.
4. შესყიდვის ობიექტის სავარაუდო ღირებულება შეადგენს: 1250 (ათას ორას ორმოცდაათი) ლარს დღგ-ს ჩათვლით.
5. დაფინანსების წყარო: ქ. თბილისის ისნის რაიონის გამგეობა, 2013 წლის ბიუჯეტის ასიგნებები.
6. შესყიდვის ობიექტი:
 - 6.1. სკვერის სრული არქიტექტურული და საპროექტო-სახარჯთაღრიცხვო დოკუმენტაციის შედგენა. შემსყიდველის მიერ განსაზღვრული სრული საპროექტო-სახარჯთაღრიცხვო დოკუმენტაციის მიწოდების ვადაა ხელშეკრულების გაფორმებიდან 10 (ათი) კალენდარული დღე.
 - 6.2 მიმწოდებელი ვალდებულია განახორციელოს საპროექტო ზედამხედველობა სკვერის სამშენებლო პროცესში. სამშენებლო მოედანზე საპროექტო ზედამხედველობის განსახორციელებლად ვიზიტების რაოდენობას განსაზღვარს თავად მიმწოდებელი საჭიროების შესაბამისად.
- მიმწოდებლის მიერ შექმნილ პროექტზე (აგრეთვე ორ ესკიზურ ვარიანტზე) საავტორო უფლებით სარგებლობს შემსყიდველი.
7. კონკურსში მონაწილეობის მისაღებად საკონკურსო წინადადების წარდგენისათვის პირი იხდის საფასურს 50 (ორმოცდაათი) ლარს.
 - 7.1. საფასური გადაიხდება ლარებში, სააგენტოს ანგარიშზე რომელიც მითითებულია სააგენტოს ოფიციალურ ვებგვერდზე (www.procurement.gov.ge).

მიმღების ბანკი	ს.ს. ბანკ „რესპუბლიკის“ ცენტრალური ფილიალი
	ბანკის კოდი: REPLGE22
მიმღები	მიმღები: სსიპ - კონკურენციისა და სახელმწიფო შესყიდვების სააგენტო
	IBAN: GE52BR0000010591718543

- 7.2. საფასურის გადახდის დამადასტურებელ დოკუმენტში მითითებული უნდა იყოს:
 - გადახდის დამადასტურებელი დოკუმენტის უნიკალური ნომერი და გადახდის თარიღი;
 - შემსყიდველი ორგანიზაციის დასახელება და საიდენტიფიკაციო კოდი;
 - კონკურსანტის დასახელება და საიდენტიფიკაციო კოდი;
 - საკონკურსო განცხადების სააგენტოს ოფიციალურ ვებ-გვერდზე გამოქვეყნების შედეგად განცხადებისათვის მინიჭებული უნიკალური ნომერი.
8. საკონკურსო წინადადება, რომელიც არ შეიცავს საფასურის გადახდის დამადასტურებელ შესაბამის დოკუმენტს, არ განიხილება. ამასთან, მე-7 პუნქტის დარღვევით წარდგენილი საფასურის გადახდის

დამადასტურებელი დოკუმენტის შემთხვევაში, იმ პირის საკონკურსო წინადადება ექვემდებარება დისკვალიფიკაციას.

9. წარმოდგენილი საკონკურსო წინადადება ძალაშია კონკურსში გამარჯვებულ კონკურსანტთან ხელშეკრულების დადებამდე.

10. საკონკურსო წინადადებით წარმოდგენილი ყველა დოკუმენტი ან/და ინფორმაცია წარმოდგენილი უნდა იყოს ქართულ ენაზე და ხელმოწერილი უნდა იყოს შესაბამისი უფლებამოსილი პირის მიერ. ამასთან, დოკუმენტების ან/და ინფორმაციის უცხოურ ენაზე წარმოდგენის შემთხვევაში, მათ უნდა დაერთოს ნოტარიულად დამოწმებული ქართული თარგმანი. აღნიშნულ დოკუმენტებში აღმოჩენილი სხვაობის შემთხვევაში უპირატესობა ენიჭება ქართულ თარგმანს.

11. საკონკურსო წინადადებების მიღება იწყება 2013 წლის 31 მაისის 10: 00 საათიდან და დასრულდება - 2013 წლის 5 ივნისს 12:00 საათზე.

12. დაინტერესებულმა პირებმა საკონკურსო წინადადება, დალუქული პაკეტის სახით უნდა წარმოადგინონ შემდეგ მისამართზე: ქ. თბილისი, ნავთლუღის ქ. #8-1, ისნის რაიონის გამგეობა მე-2 სართული საფინანსო-ეკონომიკური განყოფილება.

13. საკონკურსო წინადადებების მიღება დასრულდება და საკონკურსო კომისიის მიერ დალუქული პაკეტების გახსნა მოხდება - 2013 წლის 5 ივნისს 12:00 საათზე.

14. დაგვიანებით წარმოდგენილი საკონკურსო წინადადება არ განიხილება და დაუბრუნდება კონკურსანტს.

15. საკონკურსო წინადადება რომლის ფასი აღემატება შესყიდვის სავარაუდო ღირებულებას არ განიხილება.

16. ანგარიშსწორება განხორციელდება უნაღდო ანგარიშსწორებით ლარში, საკონკურსო განცხადებისა და საკონკურსო დოკუმენტაციით გათვალისწინებული მომსახურების ეტაპობრივად გაწევის შემდეგ, თითოეული ეტაპის მიღება-ჩაბარების აქტისა ან/და ანგარიშ-ფაქტურის საფუძველზე.

17. კონკურსანტს უფლება აქვს წარმოადგინოს მხოლოდ ერთი საკონკურსო წინადადება. ალტერნატიული წინადადებები არ განიხილება.

18. საკონკურსო წინადადების შეფასება და გამარჯვებული კონკურსანტის გამოვლენა განხორციელდება 10 ქულიანი სისტემით შემდეგი კრიტერიუმების გათვალისწინებით:

#	შეფასების კრიტერიუმი	კოეფიციენტი
1	არქიტექტურული კონცეფცია და ესკიზი	0,5
2	საკონკურსო წინადადების ფასი:	0,4
3	გამოცდილება (მათ შორის სპეციალისტების გამოცდილება)	0,1
სულ:		1.0

კონკურსანტი გამარჯვებულად ჩაითვლება, თუ მას საკონკურსო კომისიის წევრთა მიერ მიენიჭება ყველაზე მაღალი ჯამური ქულა. ქულათა თანაბრად გადანაწილების შემთხვევაში გადამწყვეტია საკონკურსო კომისიის თავმჯდომარის მიერ მინიჭებული ქულა.

19. საკონკურსო წინადადება უნდა მოიცავდეს და ითვალისწინებდეს:

19.1. საკონკურსო წინადადების ფასი დანართი #2-ის მიხედვით (დღგ-ს ჩათვლით), წინადადების ფასი წარმოდგენილი უნდა იყოს მხოლოდ ლარში;

19.2. გასაწევი მომსახურების სრული ტექნიკური აღწერა დანართი #3-ის მე-5 და მე-6 პუნქტებით განსაზღვრული ინფორმაციის გათვალისწინებით შემდეგი სახით: არქიტექტურული კონცეფცია-ესკიზური პროექტის ერთი ეგზემპლარი ნაბეჭდი მასალა A3 ფორმატში, ასევე ესკიზური პროექტის ელექტრონული ვერსია (PDF-ის ფაილით) ერთიანი პრეზენტაციის სახით შემდეგი შემადგენლობით და თანმიმდევრობით:

- საპროექტო ორგანიზაციის დასახელება და შესაბამისი რეკვიზიტები;
- სატიტულო ფურცელი ავტორის ან ავტორთა ჯგუფის ხელმოწერით და ორგანიზაციის ბეჭდით;
- განმარტებითი ბარათი, რომელშიც აღწერილი უნდა იყოს პროექტის დახასიათება;
- სკვერის გეგმა.
- მშენებლობისათვის ძირითადი გამოსაყენებელი მასალის სპეციფიკაცია (ტექნიკური და ფიზიკური მახასიათებლები).

პროექტის გრაფიკული ნაწილი:

- სკვერის გეგმა მ1:200 (გრაფიკული);
- 3D ვიზუალიზაცია (რენდერები)

კონკურსანტმა უნდა წარმოადგინოს არქიტექტურული კონცეფცია, ვიზუალური მასალა და კონცეფციის განმარტებითი ბარათი. ზემოაღნიშნული უნდა გაერთიანდეს და წარმოდგენილ იქნას ერთიანი პრეზენტაციის სახით. არქიტექტურული კონცეფცია და მისი შინაარსი წარმოდგენს ძირითად პირობას საუკეთესო კონკურსანტის გამოსავლენად. კონკურსანტმა, კონცეფციის განმარტებით ბარათში უნდა წარმოადგინოს დასაბუთება, სადაც განხილულ იქნება არქიტექტურული გადაწყვეტის ძირითადი იდეა, პრინციპი, გამოყენებული მასალა და ა.შ. დასაბუთება უნდა იყოს მომზადებული კომპეტენციის მაღალი დონით და ეფუძნებოდეს თანამედროვე არქიტექტურის გამოცდილებას.

19.3. ინფორმაცია გამოცდილების შესახებ ანალოგიური მომსახურების მინიმუმ 3 რეალიზებული პროექტის მითითებით (ხელშეკრულების საგნის, დამკვეთის და მისი საკონტაქტო პირის ტელეფონის მითითებით);

19.4. ინფორმაცია პროექტზე მომუშავე კადრების კვალიფიკაციის და გამოცდილების შესახებ;

19.5. აფიდავიტი (შეესებული და დადასტურებული კონკურსანტის მიერ) დანართი #1-ს მიხედვით.

19.6. კონკურსანტმა სასურველია წარმოადგინოს სკვერის მოწყობის ორი განსხვავებული ვარიანტი ესკიზური სახით.

20. საკვალიფიკაციო მონაცემების დამადასტურებელი დოკუმენტები არ მოითხოვება.

21. საკონკურსო წინადადება ხელმოწერილი უნდა იქნას კონკურსის მონაწილის მიერ, ხელმოწერის გარეშე წარმოდგენილი წინადადებები არ განიხილება.

22. საკონკურსო კომისიას ულება აქვს ხელშეკრულების დადებამდე ნებისმიერ დროს შეწყვიტოს შესყიდვის პროცედურა, თუ ეს აუცილებელი გახდება მისგან დამოუკიდებელი და წინასწარ გაუთვალისწინებელი ობიექტური მიზეზებით, აგრეთვე საქართველოს სახელმწიფო ან/და საზოგადოებრივი ინტერესებიდან გამომდინარე. შემსყიდველი ორგანიზაცია ვალდებული არ არის, კონკურსანტს აუნაზღაუროს შესყიდვაში მონაწილეობასთან დაკავშირებული ხარჯები.

23. კონკურსის ტარდება „სახელმწიფო შესყიდვების შესახებ“ საქართველოს კანონისა და კონკურენციისა და სახელმწიფო შესყიდვების სააგენტოს თავმჯდომარის 2011 წლის 10 თებერვლის #3 ბრძანების საფუძველზე.

24. მიწოდების პირობები:

24.1. კონკურსში გამარჯვებული მონაწილის მიერ პროექტი და შემდგომი ცვლილებები წარმოდგენილი უნდა იქნას დანართი #3-ში მითითებული პირობების გათვალისწინებით, კონკურსში გამარჯვებული ვალდებულია კონკურსის მომწყობს წარუდგინოს არქიტექტურული პროექტი დაბეჭდილი სახით A3 ფორმატით და ელექტრონული ვერსიით ArchiCAD-ის ან AutoCAD-ის პროგრამაში და პროექტის ყველა შემადგენელი ფურცელი PDF ფაილის სახით ელექტრონულ მატარებელზე, მაქსიმალურად ასახული ვიზუალური მასალით, მშენებლობის სავარაუდო ღირებულება, ხარჯთაღრიცხვა და მშენებლობის შესრულების სავარაუდო ვადები;

24.2. მიმწოდებლის მიერ მომზადებული ასაშენებელი სკვერის სახარჯთაღრიცხვო ღირებულება არ უნდა აღემატებოდეს 25 000 (ოცდახუთი ათასი) ლარს.

24.3. მიმწოდებელი ვალდებულია, საჭიროების შემთხვევაში, შესაბამისი ნებართვების მისაღებად, მოუმზადოს „შემსყიდველს“ საპროექტო დოკუმენტაცია შესაბამის ადმინისტრაციულ-ტერიტორიული ორგანოს არქიტექტურულ სამსახურში წარსადგენად.

დამატებითი ინფორმაცია: საკონკურსო დოკუმენტაციასთან დაკავშირებული განმარტებების მიღება პრეტენდენტს შეუძლია საკონკურსო კომისიის აპარატში, მიმართვის შემთხვევაში. ქ. თბილისი, ნავთლულის ქუჩა #8-1, საკონტაქტო პირი: კობა ლომჯარია ტელ: 2318892.

აფიდავიტი

საკონკურსო წინადადების დამოუკიდებლად განსაზღვრის თაობაზე კონკურსში მონაწილეობის მიღების მიზნით, ვადასტურებ, რომ ჩემს მიერ წარმოდგენილი საკონკურსო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

- ჩემთვის ცნობილია, რომ საკონკურსო წინადადება დისკვალიფიცირებულ იქნება, თუ აღმოჩნდა, რომ აფიდავიტში მოცემული ინფორმაცია არის ყალბი ან/და ცრუ;
- უფლებამოსილი ვარ პრეტენდენტის მიერ, ხელი მოვაწერო ამ აფიდავიტს და წარვადგინო ეს საკონკურსო წინადადება;
- ნებისმიერ პირი, რომლის ხელმოწერაც დაფიქსირებულია საკონკურსო წინადადებაზე, შესაბამისად უფლებამოსილია პრეტენდენტის მიერ;
- ჩემთვის ცნობილია რომ ტერმინი "კონკურენტი" აფიდავიტის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს საკონკურსო წინადადება ამ კონკურსში;
- მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულა კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:
 - საკონკურსო წინადადების ფასი;
 - საკონკურსო წინადადების ფასის გამოთვლის მეთოდი, კოეფიციენტი ან ფორმულა;
 - საკონკურსო წინადადების წარდგენა ან წარდგენისგან თავის შეკავება;
 - ისეთი საკონკურსო წინადადების განზრახ წარდგენა, რომელიც არ აკმაყოფილებს გამოცხადებული კონკურსის პირობებს;
 - შესყიდვის ობიექტის ხარისხი, მოცულობა, ტექნიკური პირობები ან მიწოდების დეტალები, რომელთაც ეხება საკონკურსო წინადადება;

* საკონკურსო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს საკონკურსო წინადადების განსაჯაროების მომენტამდე. გავეცანი ამ აფიდავიტის შინაარსს და ვადასტურებ წარმოდგენილი ინფორმაციის უტყუარობას.

თანხმობა

სახელმწიფო შესყიდვების მიზნებისთვის, აფიდავიტი წარმოდგენს საკონკურსო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერი, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავიტით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.

კონკურსანტის შეთავაზება				
რეკვიზიტები				
	პრეტენდენტის იურიდიული ფორმა და დასახელება:			
	ხელმძღვანელის სახელი და გვარი:			
	პრეტენდენტის იურიდიული ან/და ფაქტიური მისამართი:			
	საიდენტიფიკაციო კოდი:			
	პრეტენდენტის ტელეფონის ნომერი:			
	ელექტრონული მისამართი:			
	ბანკი:			
	ბანკის კოდი:			
	ანგარიშის ნომერი:			
საკონკურსო წინანადების ღირებულება				
		რაოდენობა	ერთეულის ღირებულება	საერთო ღირებულება
1	სკვერის სრული არქიტექტურული და საპროექტო-სახარჯთაღრიცხვო დოკუმენტაციის შედგენა.	1		
	*	*	ჯამი:	

ტექნიკური დავალება

სკვერის ტიპური პროექტის საპროექტო-სახარჯთაღრიცხვო დოკუმენტაცია, ტერიტორიაზე მიბმა და საპროექტო ზედამხედველობა.

შესყიდვის ობიექტის ტექნიკური დავალება:

1. შემსყიდველის მიერ სკვერის ასაშენებლად განისაზღვრება კონკრეტული მისამართი (მიწის ნაკვეთის მითითებით, ტოპო გეგმით და აზომვითი ნახაზებით), რომლის შესახებაც ინფორმაცია მიეწოდება გამარჯვებულ კონკურსანტს. აღნიშნული ინფორმაციის საფუძველზე მიმწოდებელი იწყებს შემსყიდველთან შეთანხმებული კონცეფციის ფარგლებში სკვერის სამშენებლო სამუშაოებისათვის საჭირო საპროექტო-სახარჯთაღრიცხვო დოკუმენტაციის შედგენას. საპროექტო-სახარჯთაღრიცხვო დოკუმენტაცია უნდა მოიცავდეს: არქიტექტურულ, საინჟინრო, მათ შორის ა) პროექტით განსაზღვრული სამშენებლო სამუშაოების წარმოების კალენდარულ გეგმა-გრაფიკს, ბ) ხარჯთაღრიცხვას და სამუშაოთა ჩამონათვალს მოცულობების მითითებით.
3. კონკურსში გამარჯვებული მონაწილის მიერ პროექტი წარმოდგენილი უნდა იქნას შემდეგი სახით: არქიტექტურული პროექტი დაბეჭდილი სახით A3 ფორმატით და ელექტრონული ვერსიით ArchiCAD-ის ან AutoCAD-ის პროგრამაში და პროექტის ყველა შემადგენელი ფურცელი PDF ფაილის სახით ელექტრონულ მატარებელზე, მაქსიმალურად ასახული ვიზუალური მასალით, მშენებლობის სავარაუდო ღირებულება, ხარჯთაღრიცხვა და მშენებლობის დასრულების სავარაუდო ვადები;
4. მიმწოდებელი ვალდებულია განახორციელოს საპროექტო ზედამხედველობა სკვერის სამშენებლო პროცესში. სამშენებლო მოედანზე საპროექტო ზედამხედველობის განსახორციელებლად ვიზიტების რაოდენობას განსაზღვრავს თავად მიმწოდებელი საჭიროების შესაბამისად. საპროექტო ზედამხედველობისას ყოველი ვიზიტის დროს მიმწოდებელი ვალდებულია შეადგინოს განხორციელებული მოქმედებების ამსახველი დოკუმენტი, სადაც დაფიქსირდება მშენებლობის წარმოების პროცესის შესაბამისობა პროექტთან.
5. პროექტში გათვალისწინებული უნდა იყოს თანამედროვე და აუცილებელი მოთხოვნები, როგორც ვიზუალური ისე ფუნქციური თვალსაზრისით.
6. სკვერის პროექტში შესაძლებელია გამოყენებული იქნეს როგორც ნატურალური ხის, ასევე სხვა მასალებით დამზადებული სკვერის ელემენტები.

არქიტექტურული გადაწყვეტა მომზადებული უნდა იყოს საქართველოში მოქმედი კანონმდებლობის, არსებული ევროპული ნორმების და სტანდარტების გათვალისწინებით.

გამარჯვებულმა კონკურსანტმა საბოლოო დოკუმენტაციის შედგენისას მაქსიმალურად მჭიდროდ უნდა ითანამშრომლოს შემსყიდველთან და გაითვალისწინოს მისი შენიშვნები და წინადადებები.

პროექტის შემუშავებისას შემსყიდველი ორგანიზაცია შემსრულებელს მიაწვდის მასთან არსებულ ყველა საჭირო ინფორმაციას.

სახელმწიფო შესყიდვების შესახებ ხელშეკრულების პროექტი

ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს კონკურსში გამარჯვებულ პრეტენდენტთან ხელშეკრულების გაფორმების პროცესში.

ქ.თბილისი

--- ----- 2013 წ.

ერთის მხრივ, ქ. თბილისის ისნის რაიონის გამგეობა (შემდგომში „შემსყიდველი“) წარმოდგენილი გამგებლის მ/შ თორნიკე ხუციშვილის სახით და მეორეს მხრივ ----- (შემდგომში „მიმწოდებელი“) წარმოდგენილი მისი დირექტორის ----- სახით, სახელმწიფო შესყიდვების კანონისა და მიმწოდებლის საკონკურსო წინადადების საფუძველზე, № ----- კონკურსის ჩატარების შედეგად დებენ სახელმწიფო შესყიდვების შესახებ ხელშეკრულებას შემდეგზე:

1. ხელშეკრულებაში გამოყენებული ტერმინების განმარტებები

- 1.1 „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით;
- 1.2 „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3 „შემსყიდველი“ - ორგანიზაცია, რომელიც ახორციელებს შესყიდვას;
- 1.4 „მიმწოდებელი“ - პირი, რომელმაც მოიპოვა გამარჯვება კონკურსში და ასრულებს სამუშაოს სახელმწიფო შესყიდვის შესახებ მოცემული ხელშეკრულების ფარგლებში;
- 1.5 „დღე“, „კვირა“, „თვე“ - კალენდარული დღე, კვირა, თვე.

2. ხელშეკრულების საგანი

- 2.1 ხელშეკრულების საგანია- ----- შესყიდვა კონკურსის საშუალებით (CPV კოდი 71320000)

3. ხელშეკრულების ჯამური ღირებულება

- 3.1 ხელშეკრულების ჯამური ღირებულება შეადგენს ----- ლარს;
- 3.2 ხელშეკრულების ჯამური ღირებულება მოიცავს მიმწოდებლის ყველა ხარჯსა და საქართველოს კანონმდებლობით დადგენილ ყველა გადასახადს.

4. ანგარიშსწორების ფორმა და ვადები

- 4.1 მიმწოდებელთან ანგარიშსწორება განხორციელდება უნაღლო ანგარიშსწორების წესით ეროვნულ ვალუტაში;
- 4.2 მიმწოდებელთან ანგარიშსწორება განხორციელდება მხარეთა მიერ ხელშეკრულებით გათვალისწინებული ----- მიწოდების შემდეგ ხელმოწერილი მიღება-ჩაბარების აქტისა და საგადასახადო ანგარიშ-ფაქტურის საფუძველზე;
- 4.3 მიმწოდებელთან ანგარიშსწორება განხორციელდება მიღება-ჩაბარების აქტზე შემსყიდველის მიერ ხელმოწერიდან არაუგვიანეს 10 დღის განმავლობაში.

5. შესყიდვის ობიექტის მიღება-ჩაბარების წესი

5.1 შესყიდვის ობიექტი ან მისი ნაწილი (ეტაპი) ჩაითვლება მიღებულად მხოლოდ მიღება-ჩაბარების აქტის გაფორმების შემდეგ.

5.2 სამუშაოების მიღება-ჩაბარება განხორციელდება მიმწოდებლის მიერ წარმოდგენილი სამუშაოთა შესრულების ფორმა №2-ის საფუძველზე შემსყიდველისა და მიმწოდებლის საამისოდ უფლებამოსილი წარმომადგენლის ხელმოწერით.

5.3 ხელშეკრულების შესრულების კონტროლზე, ტექნიკურ ზედამხედველობაზე და ხელშეკრულებით გათვალისწინებული მიღება-ჩაბარების აქტების გაფორმებაზე პასუხისმგებელ პირებს წარმოადგენენ: ქ. თბილისის ისნის რაიონის გამგეობის ინფრასტრუქტურის განვითარების განყოფილების თანამშრომელ(ებ)ი და შესაბამისი დარგის კურატორი გამგებლის მოადგილე.

6. მომსახურების გაწევის ადგილი და ვადა

6.1. ----- განხორციელდება ----- მისამართი;

6.2. ----- განხორციელდება ხელშეკრულების გაფორმებიდან 2013 წლის -----
-----.

7. მხარეთა უფლება-მოვალეობები

7.1 შემსყიდველი უფლებამოსილია ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება;

7.2. შემსყიდველი ვალდებულია უზრუნველყოს გაწეული მომსახურების ღირებულების ანაზღაურება ხელშეკრულებით გათვალისწინებულ ვადაში;

7.3. მიმწოდებელი უფლებამოსილია მოსთხოვოს შემსყიდველს გაწეული მომსახურების ღირებულების ანაზღაურება ხელშეკრულებით გათვალისწინებულ ვადაში;

7.4. მიმწოდებელი ვალდებულია გაუწიოს მომსახურება სათანადო ხარისხით.

8. პირგასამტეხლო ხელშეკრულების პირობების შეუსრულებლობისათვის

8.1. ხელშეკრულებით ნაკისრი ვალდებულებების შესრულების ვადის გადაცილების შემთხვევაში მხარეს დაეკისრება პირგასამტეხლო ყოველ გადაგადაცილებულ დღეზე სახელშეკრულებო ღირებულების 0.1%-ის ოდენობით;

8.2. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 10%-ს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტიდან გადსახდელი პირგასამტეხლოს ანაზღაურება;

8.3. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

9. ხელშეკრულებაში ცვლილებების შეტანა და ხელშეკრულების შეწყვეტა

9.1. ხელშეკრულებაში ნებისმიერი ცვლილების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე;

9.2. ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება

ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით;

9.3. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში, მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ;

9.4. მხარე ვალდებულია არანაკლებ 5 დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს 9.3. პუნქტით გათვალისწინებული გადაწყვეტილება მიღების განზრახვის შესახებ;

9.5. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

10. დაუძლეველი ძალა

10.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია აუცდენელი დაუძლეველი ძალის ზეგავლენით. აღნიშნულის არსებობის შემთხვევაში მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ

11. დავები და მათი გადაწყვეტის წესი

11.1. ხელშეკრულების მოქმედების პერიოდში წამოჭრილი ყველა დავა გადაიჭრება შეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

13. ხელშეკრულების მოქმედების ვადა

13.1. ხელშეკრულება ძალაში შედის ხელმოწერიდან და მოქმედებს 2013 წლის -----.

14. სხვა პირობები

14.1. ამ ხელშეკრულებით გაუთვალისწინებელი პირობები რეგულირდება საქართველოს კანონმდებლობით.

14.2. მიმწოდებელს არა აქვს უფლება გადასცეს მესამე პირს თავისი უფლებები და მოვალეობები შემსყიდველის წერილობითი თანხმობის გარეშე.

14.3. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

14.4. ხელშეკრულება შედგენილია ქართულ ენაზე, სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი მიმწოდებელთან და ორი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

მხარეთა რეკვიზიტები:

შემსყიდველი:

მიმწოდებელი:
